

NI NIDJANISITOK SAIAKIINAGOK.

Nikamotawik ki kije Manitominan, nikamotawik kit Okinaminan; wi kakitawinik, o tikenindam mega kakina aki. (Psalm. XLVI, 7-8.)

Migwetc inata kije Manito iki cawenimining oom ocki masinaigan kitci ojitamonagok, mi sa nikamo masinaigan. Eckam kitci mino abadjoieg, wi kikenindamok ejininiwagak nikamowin. Nikamowin sagote mi sa ondjita anjeniwak ot inwewiniwa, mi ekitote pejik ketcitwawisite. Wakwing endanakidjik kaiakike. Kockwenindamowate i mamakasinaawate kije Maniton, kakike menawasingin nikamok: Kitcitwawenindagosi, kitcitwawenindagosi, kitcittwawenindagosi Dio ka tibenimiang.

Kinawint gaie ni nidjanisitok, kit inenindagosimin kitci witapimangwa, kokwedjitota dac kitci widjiteamawangwa i minwadjinang ki je Manito. Mi ke tiang menindage aiamie mikiwaming indaje i nita sasakiwinitisote Tebeniminang Jesus. Aiangwamisita kitci kikana-